



## **CONVENIO DE COLABORACIÓN SUBSCRITO ENTRE A CONSELLERÍA DO MEDIO RURAL, E O CONCELLO DE LAROUCO PARA INCENTIVAR E FOMENTAR O MANTEMENTO E LIMPEZA DA MALEZA NAS INFRAESTRUTURAS RURAIS, DETERMINADAS FINCAS E AS REDES SECUNDARIAS DE FAIXAS DE XESTIÓN DE BIOMASA**

### **MEMORIA XUSTIFICATIVA**

O director xeral de Desenvolvemento Rural da Consellería do Medio Rural, **DECLARA:**

De acordo co artigo 22 e seguintes do citado Decreto 166/2015, do 13 de novembro, correspóndelle á Dirección Xeral de Desenvolvemento Rural o exercicio das funcións da Consellería do Medio Rural no referente á elaboración, proposta e desenvolvemento das directrices da política agraria en materia de mellora e modernización das infraestruturas rurais e do medio rural co obxectivo directo da mellora da calidade de vida das zonas rurais, desenvolvendo as dotacións de equipamentos públicos básicos e de infraestrutura, sen prexuízo das competencias doutros departamentos da Xunta de Galicia, así como todos os asuntos referentes á reforma das estruturas agrarias e á preparación, execución e vixilancia dos seus correspondentes plans e programas de reforma das estruturas.

Dentro dos plans de actuacións anuais de mellora das infraestruturas rurais da Dirección Xeral de Desenvolvemento Rural inclúense:

- A mellora da rede viaria a través dos Plans de mellora de camiños de titularidade municipal.
- Actuacións directas da Consellería do Medio Rural na mellora das infraestruturas rurais mediante a sinatura de convenios de colaboración cos concellos.

Tendo en conta que:

- Os concellos teñen atribuídas, a teor do artigo 25.2.d) da Lei 7/1985, do 2 de abril, reguladora das Bases de Réxime Local (LRBRL), competencias en materia de conservación de camiños e vías rurais e prevención e extinción de incendios.
- A Lei 3/2007, do 9 de abril, de prevención e defensa contra os incendios forestais de Galicia establece as distancias mínimas de roza e as zonas de seguridade respecto de casas illadas e núcleos de poboación e redes primarias (infraestruturas lineais de prevención e defensa) de faixas de xestión da biomasa e de seguridade libres de maleza.
- As redes secundarias de faixas de xestión de biomasa teñen un ámbito municipal e posúen a función prioritaria de protección dos núcleos de poboación, as infraestruturas, os equipamentos sociais, as zonas edificadas, os parques e os polígonos industriais.
- O Concello de Larouco ten unha ampla rede viaria, incluíndo as vías de titularidade estatal, autonómica, provincial e municipal. Existe lóxicamente unha relación entre a lonxitude total do viario de dependencia municipal e a extensión superficial e a poboación, pero tamén outros factores inciden de maneira relevante como son a dispersión dos núcleos, o tamaño das parcelas e





a orografía e especialmente en concellos de menos de 10.000 habitantes supón case o 65 % do total, sendo a correspondente proporción moi superior no viario interurbano que no urbano.

- A conservación dos camiños no Concello de Larouco necesita dunha importante cantidade de recursos e de grandes esforzos. A conservación en bo estado e libre de maleza das cunetas e das marxes dos camiños e estradas é un elemento de vital importancia para manter o bo estado dos firmes e a seguridade na circulación sobre eles e para a prevención de incendios.

Así, esta Dirección Xeral de Desenvolvemento Rural considera necesario formalizar este convenio de colaboración, para incentivar e fomentar o mantemento e limpeza da maleza nas infraestruturas rurais, determinadas fincas e as redes secundarias de faixas de xestión de biomasa, co concello de Larouco

O instrumento convencional ten por obxecto :

A adquisición dun (1) vehículo tractor novo e dúas rozadoiras (unha trituradora e outra de brazo) novas.

O vehículo tractor e os apeiros deberán cumprir as características técnicas mínimas que se detallan no anexo ao Convenio.

O orzamento máximo de gasto subvencionable para a adquisición do vehículo tractor e dúas rozadoiras (unha trituradora e outra de brazo) novos é de 102.850 € IVE incluído, coas achegas máximas seguintes:

- Consellería do Medio Rural      70.850 €
- Concello de Larouco                32.000 €

O orzamento da Consellería do Medio Rural destinado para a sinatura deste convenio é de 70.850 € de fondos propios libres dentro da aplicación orzamentaria 13.04.551A.7600, proxecto contable 201700084 CONVENIO CON CONCELLOS na anualidade 2018.

O Concello de Larouco, de acordo co convenio, comprométese a:

- Utilizar o vehículo tractor coa rozadoira para os labores de roza nos camiños e estradas de titularidade municipal así como nas redes secundarias de faixas de xestión de biomasa de ámbito municipal para a protección dos núcleos de poboación, as infraestruturas, equipamentos sociais, zonas edificadas, parques e polígonos industriais e, de selo caso, parcelas procedentes da masa común en procesos de concentración/reestruturación parcelaria, cuxas fincas están incorporadas ao Banco de Terras de Galicia cando se recoñeza a titularidade municipal conforme ao disposto na disposición da Lei 4/2015, de 17 de xuño, de mellora da estrutura territorial agraria de Galicia.
- Ter o tractor cos apeiros en perfectas condicións mecánicas e de dotación, así como estar ao corrente en toda a documentación do vehículo cumprindo coas obrigas administrativas en materia de inspección técnica (ITV), pólizas de seguros, impostos, etc.
- O vehículo estará vinculado ao cumprimento desta finalidade durante a súa vida útil e en ningún caso por un tempo inferior a 5 anos.
- Efectuar as reparacións e revisións o antes posible e sempre a conta deste, para garantir o





seu continuo funcionamento.

- Facer figurar expresamente o financiamento da Consellería do Medio Rural en lugar ben visible.
- Cumprir co deber de remisión ao Consello de Contas das contas xerais de cada exercicio.
- Facilitar a inspección e control da Dirección Xeral de Desenvolvemento Rural co obxecto de supervisar o cumprimento das actividades previstas no convenio e que permitan a esta a xustificación financeira perante a Intervención Xeral da Comunidade Autónoma e o Tribunal de Contas, así como as comprobacións previstas na lexislación do Consello de Contas.

O concello asinante estará obrigado a xustificar ante a Dirección Xeral de Desenvolvemento Rural, antes do 9 de novembro de 2018, o cumprimento da finalidade da convenio e o seu custo real, mediante a presentación dunha conta xustificativa integrada.

O Convenio producirá efectos dende a súa sinatura ata o 31 de decembro de 2018.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, polo que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela

O director xeral de Desenvolvemento Rural

ASINADO DIXITALMENTE

Miguel Ángel Pérez Dubois

